

The logo consists of a red square with the words "NAŠA STRANKA" written in white, bold, uppercase letters.

Politička organizacija građana „Naša stranka“  
Općinski odbor Velika Kladuša  
Adresa: Huske Miljkovića 2, 77230 Velika Kladuša  
Telefon: 060 311 66 74  
E-mail: info@kladusajenasa.org

Bosna i Hercegovina  
Federacija Bosne i Hercegovine  
Unsko-sanski kanton  
Općina Velika Kladuša  
Služba za finansije, računovodstvo i javne nabavke

Poštovani,

Klub vijećnika Naše stranke u Općinskom vijeću Općine Velika Kladuša ovim putem uzima učešće u javnoj raspravi o Nacrtu budžeta Općine za 2022. godinu te dostavlja sljedeće prijedloge:

**Prijedlog br. 1: Ekonomski kod 614311-007 „Grant za Sportski savez povećati“ sa 80.000 KM na 200.000 KM. Sredstva osigurati umanjnjem ekonomskog koda 614819-005 za 120.000 KM.**

**Obrazloženje:** Ove godine je nacrtom budžeta predviđeno smanjenje Granta za sportski savez i to čak za 100.000 KM. Takvo umanjnje bi sasvim sigurno dovelo do gašenja velikog broja sportskih kolektiva u Velikoj Kladuši uzevši u obzir jako tešku situaciju kroz koju sport prolazi posljednje dvije godine. Podsjećamo da je u prošloj godini u ovom ekonomskom kodu bilo planirano 180.000 KM, a izvršeno čak i više od 190.000 KM, što samo pokazuje potrebu sportskih kolektiva za budžetskom pomoći. Smatramo da ovaj kod mora ostati na iznosu sličnom prošlogodišnjem ili čak i većem, a nikako drastično umanjen kako je to nacrtom predviđeno. Potrebna sredstva osigurati umanjnjem ekonomskog koda 614819-005 „Ostali tekući rashodi, naknade za rad ekspertnog tima za reviziju privatizacije“ za 120.000 KM, s obzirom na to da nije poznat ni sastav „ekspertnog tima“, kao ni način na koji je isti imenovan, aktivnosti koje će provoditi u toku ove kalendarske godine niti konkretni rezultat tih aktivnosti.

**Prijedlog br. 2: Ekonomski kod 614311-006 Grant za škole sa područja općine Velika Kladuša povećati sa 0 KM na 80.000 KM. Sredstva osigurati umanjnjem ekonomskog koda 614819-005 za 80.000 KM.**

**Obrazloženje:** Kao lokalna zajednica ne možemo direktno mijenjati obrazovni sistem, ali svakako možemo poboljšati uslove rada i za učenike i za nastavnike u našim školama. Direktna izdvajanja općine za škole moraju biti značajnija nego do sada, te ih je potrebno dodjeljivati korisnicima (školama) kroz projektno finansiranje. Dodatni razlozi za povećanje ovog granta su situacija sa pandemijom koronavirusa, koja je pred škole postavila značajne finansijske i organizacione izazove, a koje su se negativno odrazile i na sam nastavni proces. Sredstvima iz ovog koda bi mogli biti finansirani i projekti prevencije međuvršnjačkog nasilja i psihološke podrške učenicima, nabavka školske opreme i pomagala, vannastavne aktivnosti (različite sekcije, kulturne i sportske aktivnosti), itd. Potrebna sredstva osigurati umanjnjem ekonomskog koda 614819-005 „Ostali tekući rashodi, naknade za rad ekspertnog tima za reviziju privatizacije“ za 80.000 KM, s obzirom na to da nije poznat ni sastav „ekspertnog tima“, kao ni način na koji je isti imenovan, aktivnosti koje će provoditi u toku ove kalendarske godine niti konkretni rezultat tih aktivnosti.

**Prijedlog br. 3: Uvesti novi ekonomski kod pod nazivom „Grant za JU Dječije obdanište Velika Kladuša“ u iznosu od 80.000 KM. Sredstva osigurati umanjnjem ekonomskog koda 614819-005 za 80.000 KM.**

**Obrazloženje:** U prošloj godini je više od 80 djece bilo na listi čekanja JU Dječije obdanište Velika Kladuša. Barem dio ovog problema bio mogao biti riješen proširenjem kapaciteta ove ustanove za šta postoje prostorni uvjeti. Potrebna su samo sredstva za plaće dodatnog osoblja (1 kuhar/ica i 2 medicinske sestre) te opremanje prostorija. Procijenjena vrijednost za ove potrebe je 80.000 KM. Iako ova ustanova nije pod eksplicitnom nadležnošću lokalne samouprave, unapređenje mreže ustanova, te upravljanje i finansiranje javnih ustanova predškolskog obrazovanja jeste jedna od nadležnosti općine propisana članom 8. Zakona o principima lokalne samouprave u FBiH. Što je još važnije, na ovaj način bi se kapaciteti JU Dječije obdanište proširili za najmanje 20 mjesta. Potrebna sredstva osigurati umanjnjem ekonomskog koda 614819-005 „Ostali tekući rashodi, naknade za rad ekspertnog tima za reviziju privatizacije“ za 80.000 KM, s obzirom na to da nije poznat ni sastav „ekspertnog tima“, kao ni način na koji je isti imenovan, aktivnosti koje će provoditi u toku ove kalendarske godine niti konkretni rezultat tih aktivnosti.

**Prijedlog br. 4: Povećati iznos predviđenih sredstava na ekonomskom kodu 821600 „Rekonstrukcija i investiciono ulaganje“ na način da se uz ekonomski kod 821612 uvede dodatni ekonomski kod „821612-001 Rekonstrukcija ulice 23. februar i pristupnog puta prema gradskom groblju i mezarju Drmaljevo“ u iznosu od 80.000 KM. Sredstva osigurati umanjnjem ekonomskog koda 614411-004 za 80.000 KM.**

**Obrazloženje:** Građani ulice 23. februar su još prije dvije godine pokrenuli inicijativu za rekonstrukciju dijela ove ulice i pristupnog puta ka gradskom groblju i mezarju Drmaljevo. U akciju prikupljanja sredstava će se uključiti i drugi građani Velike Kladuše jer se radi o gradskom mezarju. Zbog konfiguracije terena postojećeg puta je teško održavati ovaj putni pravac, te je stoga neophodno izvršiti asfaltiranje istog čime bi svi građani MZ Velika Kladuša dobili bolji pristupni put gradskom groblju i mezarju. Sredstva osigurati umanjnjem ekonomskog koda 614411-004 „Subvencije javnih preduzeća i zavisnih društava“ za 80.000 KM s obzirom da nije poznat efekat izdvajanja sredstava iz ovog granta u prethodnim godinama jer preduzeće koje je dobilo sredstva ne podnosi godišnje izvještaje Općinskom vijeću.

**Prijedlog br. 5: Ekonomski kod 614817 „Izvršenje sudskih presuda i rješenja o izvršenju“ povećati sa 100.000 KM na 400.000 KM. Sredstva osigurati umanjnjem ekonomskog koda 614411-004 za 300.000 KM.**

**Obrazloženje:** Prema dostupnim informacijama, potraživanja tužitelja prema Općini Velika Kladuša po osnovu sudskih presuda i rješenja o izvršenju iznose više od 750.000 KM. Ova potraživanja godišnje rastu samo po osnovu kamata za oko 50.000 KM, te se sadašnjim tempom isplata potraživanja ne umanjuju u značajnoj mjeri. Povećanjem izdvajanja za ovu svrhu na 400.000 KM bi se u ovoj godini potraživanja po ovom osnovu smanjila za oko 50 posto, te bi se umanjila šteta koja se nanosi budžetu zbog uvećavanja potraživanja po osnovu zatezних kamata. Sredstva osigurati umanjnjem ekonomskog koda 614411-004 „Subvencije javnih preduzeća i zavisnih društava“ za 300.000 KM, s obzirom na to da nije poznat efekat izdvajanja sredstava iz ovog granta u prethodnim godinama jer preduzeće koje je dobilo sredstva ne podnosi godišnje izvještaje Općinskom vijeću.

**Prijedlog br. 6: Ekonomski kod 614 400- Subvencije javnim preduzećima, ekonomski kod 614411-001 JP „Veterinarska stanica“ doo V. Kladuša (sufinansiranje projekta kastracije pasa lotalica) povećati sa 50.000 na 100.000 KM. Sredstva osigurati umanjnjem ekonomskog koda 614411-004 za 50.000 KM.**

**Obrazloženje:** Problem pasa lotalica na području Velike Kladuše moguće je riješiti samo kontinuiranim i masovnim programom registracije, čipiranja, kastracije i sterilizacije pasa. Trenutna izdvajanja su nedovoljna za masovnije programe. Povećanjem ovog koda na 100.000 KM. Veterinarska stanica bi bila u mogućnosti da izvrši između 600 i 700 kastracija ili sterilizacija godišnje. Sredstva osigurati umanjnjem ekonomskog koda 614411-004 „Subvencije javnih preduzeća i zavisnih društava“ za 50.000 KM, s obzirom na to da nije poznat efekat izdvajanja sredstava iz ovog granta u prethodnim godinama jer preduzeće koje je dobilo sredstva ne podnosi godišnje izvještaje Općinskom vijeću.

**Prijedlog br. 7: Ekonomski kod 614500-Subvencije privatnim preduzećima i poduzetnicima, ekonomski kod 614516 Subvencija za veterinarstvo, privatna veterinarska stanica povećati sa 20.000 KM na 70.000 KM za sufinansiranje projekta registracije, čipiranje, kastracije i sterilizacije pasa. Sredstva osigurati umanjnjem ekonomskog koda 614411-004 za 50.000 KM.**

**Obrazloženje:** Čitav projekt smanjenja populacije pasa lotalica, ukoliko se žele postići rezultati, je preobiman za jednu veterinarsku stanicu, pa je zbog toga neophodno da se dio tereta prebaci i na privatnu veterinarsku stanicu čime bi se broj kastriranih/steriliziranih pasa povećao na najmanje 1200 u jednoj godini, što bi dovelo do stagnacije ili smanjenja broja pasa lotalica u narednim godinama. Sredstva osigurati umanjnjem ekonomskog koda 614411-004 „Subvencije javnih preduzeća i zavisnih društava“ za 50.000 KM, s obzirom na to da nije poznat efekat izdvajanja sredstava iz ovog granta u prethodnim godinama jer preduzeće koje je dobilo sredstva ne podnosi godišnje izvještaje Općinskom vijeću.

**Prijedlog br. 8: Ekonomski kod 614311-002 „Grant za sufinansiranje projekata mladih“ preimenovati u „Grant za sufinansiranje Startup inkubatora“ te povećati planirana sredstva sa 25.000 KM na 125.000 KM. Potrebna sredstva preusmjeriti sa ekonomskog koda 614323.**

**Obrazloženje:** Mladima u Velikoj Kladuši je neophodna pomoć pri realizaciji biznis ideja, te je stoga uputno ovaj grant, koji je svake godine planiran u budžetu ali gotovo nikad i realiziran, preimenovati u grant sufinansiranje Startup inkubatora i povećati iznos sredstava na 125 000 KM. Startup inkubatori su sve popularniji u regiji, ali i BiH, te korisnicima, prvenstveno mladima, između ostalog nude: edukaciju, pomoć u izradi i realizaciji poslovnog plana, povezivanje s potencijalnim investitorima, finansijsku podršku realizaciji biznis planova. Na ovaj način se jako brzo generiraju nove vrijednosti i nova radna mjesta, pospješuje komunikacija s privrednicima, mladi postaju važan segment razvoja lokalne ekonomije. Također, sve je veći broj međunarodnih i domaćih vladinih i nevladinih subjekata koji kroz javne pozive izdvajaju sredstva za razvoj upravo Startup inkubatora. Potrebna sredstva osigurati umanjnjem ekonomskog koda 614323 – „Tekući trans. za parlamentarne pol. partije-klubovi vijećnika“ za 100.000 KM.

**Prijedlog br. 9: Sredstva na ekonomskom kodu 614311-001 „Grant za razvoj poljoprivrede“ povećati sa 400.000 KM na 600.000 KM. Sredstva osigurati umanjnjem ekonomskog koda 614411-004 za 200.000 KM.**

**Obrazloženje:** Pandemija koronavirusa je imala katastrofalan utjecaj i po svjetsku ekonomiju, a posljedice ekonomske krize su izazov s kojim će se i naša općina suočava i u ovoj godini. Posebno su te posljedice teške za poljoprivredne proizvođače zbog ogromnog poskupljenja energenata i repromaterijala. Zbog toga, ali imajući na umu i zakonsku odredbu o obavezi izdvajanja najmanje 3 posto iz budžeta za poljoprivredu, uputno je sredstva u ovom ekonomskom kodu povećati na iznos od 600.000 KM što je 3,2 posto od budžeta planiranog za ovu godinu. Sredstva osigurati umanjnjem ekonomskog koda 614411-004 „Subvencije javnih preduzeća i zavisnih društava“ za 200.000 KM, s obzirom na to da nije poznat efekat izdvajanja sredstava iz ovog granta u prethodnim godinama jer preduzeće koje je dobilo sredstva ne podnosi godišnje izvještaje Općinskom vijeću.

**U Velikoj Kladuši, 26.01.2022.**